



Broj: 01-GV-02-535/23

Datum, 29.03.2023. godine

Shodno odredbama člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) i člana 148. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), na 26. sjednici Gradskog vijeća Grada Sarajeva, održanoj dana 29.03.2023. godine, **zamjenik predsjedavajućeg Gradskog vijeća Grada Sarajeva Dragan Stevanović** uputio je **inicijativu** u izlaganju sljedećeg sadržaja.

Potrebno je da Grad Sarajevo pokrene aktivnosti na izradi studije postojećeg stanja i studije mogućih načina zaštite revitalizacije i rekonstrukcije Nacionalnog spomenika Hastahana koji se nalazi na području općine Stari Grad, na Kovačima, u ulici Halilbašića.

Hastahana je prva bolnica modernog tipa napravljena na Balkanu, na kraju austrougarskog perioda, koja je čak i prve tri godine austrijskog perioda korištena kao jedina bolnica u gradu Sarajevu i u Bosni i Hercegovini, do izgradnje čuvene Zemaljske bolnice na Koševu. Bolnica je imala dva odjeljenja, muško i žensko, apoteku, prateće sadržaje i ljekare koji su školovani i koji su radili u Pešti i Beču. U toj bolnici je, prvi put u Južnoj Europi, izvršena operacija na mozgu od strane čuvenog neurohirurga sa bečke klinike. Lokalitet je zaštićen odlukom državne komisije kao lokalitet sjećanja i kao takav po UNESCO-ovim kriterijima spada u nacionalne spomenike, ali je u izuzetno lošem stanju. Kao mogući subjekti koji se mogu uključiti prilikom izrade ove studije su Udruženje građana za zaštitu i revitalizaciju Hastahane, Katedra za zaštitu kulturno- historijskog i građevinskog nasljeđa Arhitektonskog fakulteta koja ima odgovarajuće planove i odgovarajuću dokumentaciju kao i sve ostale relevantne institucije. U projekat bi bilo dobro uključiti i studente.

**Zamjenik predsjedavajućeg Gradskog vijeća Grada Sarajeva Dragan Stevanović** je zatražio da se Gradsko vijeće Grada Sarajeva, na 27. sjednici, izjasni o podnesenoj inicijativi, kako bi se u rebalansu budžeta planirala i inicijalna sredstva za izradu studije.

*O inicijativi će se Gradsko vijeće Grada Sarajeva izjasniti na sljedećoj sjednici.*

*PREDSJEDAVALJUĆI GRADSKOG VIJEĆA*

*Jasmin Ademović, s.r.*

Dostaviti:

- Gradskom vijeću Grada Sarajeva,
- evidenciji,
- a/a.

